

古代
真本
華佗
神醫
秘傳
第二冊



古代
真本
華佗神醫秘傳 卷五

漢
唐
譙縣華佗元化撰
華原孫思邈編集

華佗外科秘傳

華佗治陽症癰疽神方

凡陽症癰疽。發生時必突起分餘。其色紅腫發光。疼痛呼號。若在五日之內。猶可內散。方用金銀花四兩。蒲公
英二兩。生甘草二兩。當歸二兩。天花粉五錢。水煎服。一劑即消。二劑全愈。若未服敗毒之散。已在五日以外。致
成膿奔潰。必用金刀。去其口邊之腐肉。使內毒之氣不藏。刀長凡三寸。寬約三分。兩面之鋒俱利。勘定患部。一
刀直畫。成十字形。以末藥敷於膏藥之上。貼上即能止痛。三日之內。敗膿盡出。即消滅於無形矣。大約膏藥一
枚。需用末藥二錢。其末藥方為人參一兩。龍腦一錢。乳香一錢。去油。透明血竭五錢。三七末一兩。兒茶一兩。水飛過
去。砂用焙子一兩。藤黃三錢。貝母二錢。輕粉一錢。各研成極細末。以無聲爲度。內用煎方。用當歸一兩。黃耆五
錢。人參一錢。荆芥一錢。金銀花二兩。生甘草三錢。用水煎服。二劑已足。

華佗治陰症癰疽神方

陰症癰疽。多生於富貴膏粱之徒。急功好名之輩。其人因心腎不交。陰陽俱耗。又重以憂愁抑鬱。拂怒呼號。其
氣不散。乃結成大毒。任生於何部。均屬險症。初起時色必黑暗。痛不甚劇。瘡口亦不突起。或現無數小瘡口。以
欺世人。且覺沉沈身重。宜急用附子三錢。人參三兩。生黃耆三兩。當歸一兩。金銀花三兩。白芥子二錢。治之外



用膏藥加生肌末藥（見前）五錢貼之。一日須兩換。膏藥方如下。金銀花一斤生地黃八兩當歸三兩川芎二兩牛膝一兩丹皮一兩麥冬三兩生甘草一兩荊芥一兩防風五錢黃耆三兩茜草根五錢人參五錢玄參五錢用蕪油五斤煎數沸。將藥渣瀉出。再熬。將珠再入後藥。廣木香一兩黃丹二斤炒飛過去砂。沒藥一兩乳香一兩血竭一兩象皮（爲末）五錢麝香一錢各爲細末。入油中少煎。藏磁罐內候用。每一個約用兩餘。若係背疽。須用二兩以上。

華佗治背癰神方

背癰初起時。若審係陽症。宜用忍冬藤二兩茜草三錢紫花地丁一兩貝母三錢甘菊花三錢黃柏一錢天花粉三錢桔梗三錢水煎服。一劑輕。二劑消。三劑全愈。如係陰症。則用人參二兩黃芪二兩金銀花半斤附子一錢荊芥^{三錢}炒黑柴胡二錢白芍一兩天花粉五錢生甘草五錢水十餘碗。煎汁二碗。分前後二次服之。則陰必變陽而作痛。再劑而痛消。數劑而全愈矣。若已經潰爛。洞見肺腑。瘡口不收。百藥敷之。絕無一驗。此方治之神效。再用麥冬一兩熟地二兩山茱肉一兩人參五錢肉桂一錢當歸一兩忍冬藤一兩白朮五錢水煎服。五劑全愈。

華佗治腦癰神方

腦癰發於泥丸宮。在頭頂之上。倘色如葡萄之紫。瘡口不一。或如碎粟。四圍堅硬。瘡頂色紅赤不黑。是爲陽癰。尚可醫療。若色紫而黑暗無光。神情悶亂。不知人事者。是爲陰症。十死其十。百死其百。必須於五日之前。以大

劑煎飲。或尙有生機。過此則生死難言矣。方用金銀花八兩。玄參三兩。黃耆四兩。麥冬三兩。人參二兩。先用水十大碗。將金銀花煎湯。再煎前藥至二碗。一日服二次。連服四日。其癰漸愈。改用十全大補湯。重四兩。與之。又改用八味地黃湯。恣其酣飲。可獲全愈。是爲九死一生之治法。此外可於未潰敗時。或用川芎一兩。玄參二兩。金銀花二兩。山茱萸一兩。麥冬一兩。貝母三錢。蔓荊子二錢。用水三大碗。煎服之。卽消。最多二劑全愈。

華佗治腦後癰（一名落頭疽）神方

腦後癰生於玉枕部。亦有陽症陰症之別。其爲患雖較腦癰爲輕。然醫不得法。卽腐爛落頭而死。故有落頭疽之名。凡屬陽症。其形高突紅腫。可用金銀花二兩。蒲公英一兩。生甘草三錢。用水三碗煎八分。服下。未破者二劑卽消。已破者必須三服。始膿盡肉生。若係陰症。則其傍必有無數小瘡。先癢後痛。遂至潰爛。腫而不甚高突。色必黑暗。身體沈重。困倦欲臥。呻吟無力。可用人參一兩。生黃耆一兩。當歸一兩。金銀花二兩。白芥子三錢。肉桂一錢。炒白朮一兩。用水煎服。一劑血止。二劑肉生。三劑口小。四劑皮合。又二劑全愈。

華佗治腰癰神方

腰癰發於軟肋下近腰之部。宜合陰陽兩性治之。方用白朮一兩。杜仲一兩。當歸一兩。金銀花三兩。防己一錢。稀簽草三錢。水煎服。

華佗治肺癰神方

用玄參二兩。麥冬三兩。生草甘五錢。金銀花十兩。水煎服。一劑痛減。二劑內消。

華佗治肝癰神方

白芍 三兩 當歸 二兩 炒梔子 三錢 生甘草 三錢 金銀花 十兩 水煎服。約二劑而愈。

華佗治腸癰神方

腸癰生於大小腸之間。其症口渴。小便如淋。時時汗出。小腹腫痛。手不可按。又生於大腸者。右足屈而不伸。生於小腸者。左足屈而不伸。方用金銀花 八兩 煎水二碗。當歸 一兩 地榆 一兩 薏仁 五錢 用水十餘碗煎作一碗。同金銀花分作二服。上午一服。臨睡一服。二劑而愈。凡陽癰必須內消。而火邪甚急。非杯水可救。必須大劑始效。然大劑敗毒。恐傷元氣。惟金銀花敗毒而又補陰。故可重用。若用之過少。反無效矣。

華佗治臍後癰神方

臍後癰發於背下命門之穴。與臍正對。其症爲眞火衰弱。邪火熾盛。非大補其水。則邪火不散。毒無自消。初發之時。尙未潰敗。宜用金銀花 五兩 豨薟 五錢 熟地 一兩 白朮 一兩 黃柏 三錢 車前子 三錢 先用水十碗。煎金銀花至四碗。乃分之爲二。先以二碗煎前藥得一碗。空腹飲之。少頃再將前汁二碗。更煎藥滓得一碗服之。連服二劑。如已潰爛者。宜改用人參 三兩 白朮 五兩 肉桂 三錢 附子 二錢 山茱萸 一兩 北五味子 三錢 金銀花 三兩 茯苓 三錢 水十碗煎汁一碗服之。

華佗治懸癰神方

懸癰一名騎馬癰。俗名偷糞老鼠。多因嗜色忽精而發。方用金銀花 四兩 蒲公英 二兩 人參 一兩 當歸 一兩 生



甘草 一兩 大黃 五錢 天花粉 二錢 水煎服。一劑即消。二劑全愈。

華佗治搭手神方

治法如背癰初起時。極神效。

華佗治牛頭癰神方

生於膝上。紅腫而痛。一名膝癰。方用生黃耆 四錢 當歸 一兩 全銀花 一兩 茯苓 三錢 薏仁 五錢 牛膝 三錢 地榆 一錢 白朮 三錢 天南星 一錢 生地黃 五錢 水數碗。煎一碗。空腹服之。

華佗治多骨疽神方

生於大腿之中。癰生之後。其口不收。腑爛之中。忽長一骨。疼痛難忍。俗以爲骨。實爲溼熱之毒所化。內服用茯苓 一兩 車前子 一兩 金銀花 三兩 牛膝 五錢 紫花地丁 一兩 水煎服。六劑骨消。再十劑而全愈。若外用飛過密陀僧用桐油調膏。貼於患處。奏效尤捷。

華佗治脫骨疽神方

此症發生於手指或足趾之端。先癢而後痛。甲現黑色。久則潰敗。節節脫落。宜用極大生甘草。研成細末。麻油調敷極厚。逐日更換。十日而愈。內服藥用金銀花 三兩 玄參 三兩 當歸 二兩 甘草 一兩 水煎服。連服十劑當愈。

華佗治癰腫無頭神方

以蛇燒蛻灰和猪油塗之。極效。



華佗治石疽神方

此症腫不變色。漫腫疼痛。堅硬如石。搗生商陸根加鹽少許敷之。即效。

華佗治癰疽神方

以射干甘草枳實升麻乾地黃黃芩各八分。麝香二分。前胡三分。犀黃六分。大黃一錢。以水煎之。約三劑可愈。

華佗治甲疽神方

本症之發生。原於剪甲傷肌。或甲長侵肉。致使氣血沮遏而不通。久之腐潰而生瘡泡。或赤肉突出。指甲腫痛。治法宜剔去指甲。則不藥而愈。或以草烏五錢白丑一兩龍骨二錢共搗碎。再用全文蛤四兩同炒至焦黑色。以五倍子爲末。用麻油敷之。溼則乾燥。

華佗治乳癰神方

本症初起時發寒熱。先痛後腫。方用貝母三錢天花粉一錢蒲公英一兩當歸一兩生甘草二錢穿山甲一片爲末。水煎服。一劑即消。

華佗治井疽神方

井疽發於胸部。此症必須早治。若下入於腹必死。用人參一兩茯苓五錢麥冬五錢熟地二兩山藥一兩芡實一兩甘菊花五錢芍藥五錢忍冬藤二兩遠志三錢天花粉三兩王不留行三錢水數碗。煎一碗。一氣飲之。二劑必愈。倘已潰爛。必須多服。



華佗治縮脚疽神方

生於大腿外側。以大戟甘遂研末。用白蜜調敷。內服用熟地一兩。鹿角膠三錢。肉桂一錢。甘草一錢。麻黃五分。炮薑五分。水煎服。四五劑可愈。不可開刀。若開刀則必成縮脚。

華佗治小腹疽神方

本症由七情六慾而生。部位在臍下氣海穴（一寸五分）或關元穴（二寸）或丹田穴（三寸）依癰毒陰疽法治之可愈。

華佗治癭神方

瘰與瘤不同。瘰連肉而生。根大而身亦大。瘤則根小而身大。瘰之種類甚多。形亦各異。然皆爲溼熱之病。由小而大。由大而破。由破而死。初起時宜用小刀割破。略出白水。以生肌散敷之。立愈。生肌散製法如下。人參一錢。三七三錢。輕粉五分。麒麟血竭三錢。象皮一錢。乳香一錢。沒藥一錢。千年石灰三錢。廣木香一錢。冰片三分。兒茶二錢。各爲極細末。研無聲爲度。合時須用端午日。不可使人見。若瘰已失治。形日漸大。宜用點藥點其陷處。半日作疼。必然出水。點藥用水銀一錢。硼砂一錢。鵲粉一錢。輕粉一錢。鶯糞一錢。冰片五分。潮腦五分。綠礬一錢。皂礬一錢。麝香三分。共研之極細。一日點一次。三日後再以人參三錢。茯苓五錢。薏仁一兩。澤瀉二錢。萊菔一錢。黃耆一兩。白芍五錢。生甘草一錢。陳皮一錢。山藥三錢。水煎服十劑全消。須忌房事一月。否則必破。不能收口。終身成漏。

華佗治腋下癭瘤神方

以長柄壺盧燒存性研末搽之以消爲度。或加麻油調敷尤效。

華佗治粉瘤神方

粉瘤初生時宜卽治。否則日漸加大。受累不堪。先用艾炙十數壯。再以醋磨雄黃塗紙上。剪如螺厠大貼於處。外更貼以膏藥。一二日一換。必擠盡其中粉漿。敷以生肌散自愈。

華佗治肉瘤神方

以水銀一錢。兒茶一錢。冰片三分。硼砂一錢。麝香三錢。黃柏五錢。血竭三錢。共爲細末。擦其根部。隨擦隨落。

華佗治血瘤神方

血瘤小者如膽。大者如茄。以利刀割斷。卽用銀烙匙燒紅。一烙卽止血。且不潰。並不再生。或以水銀、輕粉、潮腦、鏡銹、貝母各一錢、黃柏三錢、兒茶二錢、冰片三分。共爲細末。擦之。卽落。

華佗治髮瘤神方

發生於耳後髮下寸許。按之不痛。用針刺破。擠盡粉髮。用生肌散敷之。立愈。

華佗治物瘤神方

物瘤其根甚大。最稱難治。不時而動。無故自鳴。或如鳥號。或如蟲鳴。必須用刀破其中孔。則物自難居。必突圍而出。後用生肌散敷之。

華佗治筋瘤神方

筋瘤無甚大害。本可置之不治。若妄用刀針。往往傷筋。反至死亡。故最忌刀割。若必欲割去。須於初生之日。以芫花黃細扣線繫之。日久自落。

華佗治骨瘤神方

骨瘤生於皮膚之上。按之如有一骨。生於其中。不可外治。宜用烏鰂魚骨一錢。白石英二分。石硫黃二分。鐘乳二分。紫石英二分。乾薑一錢。丹參八分。琥珀一錢。大黃一錢。附子三分。朝燕屎一錢。石礬一錢。水煎服。十劑全消。

華佗治石瘤神方

石瘤亦生於皮膚之上。按之如石之堅。不覺痛苦。治法同骨瘤。

華佗治氣瘤神方

氣瘤無痛無癢。時大時小。隨氣為消長。氣旺則小。氣弱反大。氣舒則寬。氣鬱則急。治法必須補其正氣。開其鬱氣。則瘤自散。方用沉香一兩。木香二兩。白芍四兩。白朮八兩。人參二兩。黃耆八兩。枳殼一兩。檳榔一兩。茯苓四兩。香附二兩。附子五錢。天花粉四兩。各為細末。蜜為丸。每日服三錢。一料全消。

華佗治五疔神方

疔瘡之生。膏粱人居其半。皆因營衛過度。火毒外發所致。名稱雖有多種。地位亦無一定。其實可賅之為心肺



肝脾腎五種。卽色赤者爲心疔。色白者爲肺疔。色青紫者爲肝疔。色黃者爲脾疔。色黑者爲腎疔也。初起時可用紫花地丁一兩。甘菊花一兩。水煎服。六劑全愈。外用絲瓜葉十片。搗極爛。取汁調明礬雄黃末各二錢。以烏羽敷疔上。隨乾隨潤。數日卽消。或以白菊花葉連根搗汁一盃。沸酒沖服。毒甚者須多服。渣敷患處。留頭不敷。覆被令出汗。其毒自散。無時可用甘白菊花四兩代之。少則不效。

華佗治疔瘡出血神方

飲真麻油一大碗卽止。或用菜子油亦效。

華佗治疔瘡走黃神方

其原因爲食豚肉所致。患此者多不治。宜以芭蕉根搗汁服之卽解。

華佗治疔瘡不破神方

以蟬衣殭蠶等分爲末。醋調敷四圍。候根出。拔去。再塗。卽愈。

華佗治疔根不出神方

鐵粉一兩。輕粉一錢。麝香少許爲末。針畫十字。以點藥入內。醋調麵糊敷之。極效。

華佗治紅絲疔神方

屬心疔類。其形縷縷如絲線。週身纏繞。如在手足上。則入心卽死。宜用松針刺去其血。忌食熱物。或以白菊花根葉加雄黃錢許。蜿蜒二條。共搗極爛。從疔頭敷至絲盡處爲止。以絹條裹緊。越宿卽消。又此疔生於足者。延



至臍。生於手者延至心。生於脣面者延至喉。亦皆死。急用針或磁鋒刺破其紅絲盡處。使出血。以浮萍嚼塗刺處。用白礬搗末。包裹於搗爛葱白中（約三錢）吞下。再飲葱酒一二杯。覆被靜臥。汗出即愈。

華佗治烏茄疔神方

農家澆糞於地。爲烈日蒸晒。人跣足行其上。受其熱毒。足趾腫痛。似潰非潰。即以鴨羽煎湯合皂礬洗之。立愈。

華佗治刀鐮疔神方

疔頭如薤葉。長一二寸。色紫黑。忌針刺。急用明礬三錢研末。葱白七個搗爛。分爲七劑。每劑以熱酒送下。服下即臥。覆被取汗。如無汗須再服葱白。外塗以唐雞糞。遲則不治。

華佗治羊毛疔神方

初起時頭痛發寒熱。前心後背有紅點。形類疹子。宜先以針刺破。取出羊毛。再以明雄黃末三錢。用青布包緊。蘸熱酒於前心瘡上一二寸外。周圍擦之。漸見瘡眼。其毛即奔至後背。仍依前法擦於背部。將羊毛拔置布上。即埋入土中。內用紫花地丁一兩。金銀花三兩。白礬甘草各三錢。水煎服。

華佗治蛇頭疔神方

生於手指尖。腫若蛇頭。痛楚連心。寒熱交作。初起時急用雄黃朴硝等分研末。以豚膽汁少許加香油調塗。或

內服蟾酥丸汗之。蟾酥丸製法如下。蟾酥二錢輕粉五分枯白礬二錢寒水石煨銅綠膽礬乳香沒藥

麝香各一錢雄黃二錢硃砂三錢蝸牛二十個於端午日午時在淨室中。先將蝸牛研爛。同蟾酥和勻稠黏。再將各

藥研末。與蝸牛蟾酥相和爲丸。如菉豆大。每服三丸。用葱白五寸。患者自嚼爛。吐於男左女右手心。包藥在內。無灰熱酒送下。覆被靜臥。至發汗爲止。甚者再進一服。

華佗治蛇眼疗神方

生於指甲兩旁。治法同上。

華佗治蛇背疗神方

生於指甲之下。治法同上。

華佗治蛇腹疗神方

又名魚肚疽。生於指中節前面。腫如魚肚。治法同上。

華佗治螺疗神方

生於手指之間。可用榔雞根與馬齒莧莖。加酒釀搗爛敷之。極效。凡遇患處起紅點者。用紅馬齒莧。白點者用白馬齒莧。

華佗治唇疗神方

切不可用涼藥敷於瘡上。最佳以雞血點之。內用烏柏葉或根搗汁服數杯。若大腿彎中有紫筋。可用銀針刺出惡血。可保無虞。

華佗治人中疗神方

一名馬嘴疔。先以銀針挑破。後用瑞香花葉十四瓣。鹽十四粒。飯十四粒。共搗爛。敷於瘡上。日夜換之。極有效。
華佗治瘰癧神方

瘰癧得病之原因有九。一因怒。二因鬱。三因食鼠食之物。四因食螻蛄蜥蜴蝎子等所傷之物。五因食蜂蜜之物。六因食蜈蚣所游之物。七因大喜飽餐果品。八因縱慾傷腎飽餐血物。九因驚恐失枕。氣不順。其治之法有三。一為治肝膽鬱結之瘰癧。方用白芍五錢。當歸二錢。白芥子三錢。柴胡一錢。甘草八分。全蝎三個。白朮三錢。茯苓三錢。鬱金三錢。香附三錢。天葵草三錢。水煎服。連服十劑自愈。二為治脾胃多痰之瘰癧。方用人參二兩。白朮十兩。茯苓六兩。甘草一兩。紫蘇八錢。半夏二兩。殭蠶二兩。陳皮六錢。白芷七錢。木通一兩。金銀花十兩。天花粉三兩。各為末。蜜為丸。飯後服三丸。一料全愈。然必須戒色慾三月。三為治心腎不交之瘰癧。方用大龜二個。一雄。遠志二兩。麥冬三兩。山茱萸四兩。肉桂一兩。白朮五兩。蒼朮二兩。熟地十兩。玄參十兩。茯苓四兩。何首烏十兩。桑椹四兩。紫花地丁四兩。夏枯草五兩。先將大龜蒸熟。焙乾為末。次將各藥研末和勻。以蜜為丸。日服三次。每服三錢。一料可全愈。

華佗治各種瘰癧不消神方

用貓頭蹄骨一具炙 酥為末 昆布一兩 海藻一兩 預洗去鹽水晒乾 連翹 黃芩 金銀花 穿山甲 枳殼 香附各一 皂角五錢 共為細末以玄參為丸大如桐子每服七八十丸日凡三次以薑汁送下

華佗治瘰癧潰爛神方



凡癰癰之症。未破之先。易於醫治。既破之後。難於收功。可先用荊芥根下一段剪碎水煎成湯。溫洗久之。視破爛處。有紫黑者。以針刺之。去血再洗三四次。然後用樟腦明礬各三錢。以麻油調敷。次日再洗再敷。以愈爲度。專忌酒色。

華佗治鼠瘻神方

鼠瘻久不愈。可取狼鼠不限多少。常作羹粥任食之。必驗。或以白馬牛羊豬雞等矢屑各一斤。漏盧藁本各一斤。並於石上燒成灰。研之極細。外以豚脂一升三合。煎亂髮一兩五錢令沸。俟髮盡乃納諸藥屑。在微火上煎五六沸。藥成先去瘡上痴。以新棉醯鹽湯洗瘡。拭之令乾。然後敷膏。日凡二次。上覆以帛。裹之。極有效。

華佗治蛇瘻神方

以蛇蛻燒灰和蠟月豚脂和封之。

華佗治蝦蟆瘻神方

用五月五日蛇頭及野豬脂同水衣封之。

華佗治蠍瘻神方

搗茅根汁着孔中即效。

華佗治蜂瘻神方

取蜂巢燒灰。臘月豚脂和敷孔中。

華佗治蜚蠊瘰神方

熱牛屎塗之數易。應有蜚蠊出。

華佗治蚯蚓瘰神方

雞屎蚯蚓屎。等分爲末。用牡猪下頷骨髓和敷之。

華佗治雀瘰神方

取母猪屎燒灰。臘月豚脂調敷。當有虫出如雀形。

華佗治九子瘍神方

生於頸上。連續得九數。治用雞卵一。蒸熟後剖之爲二。去黃存白。以麝香一分。冰片五分。搽於瘍上。有初生第一瘍起。覆以雞卵。外用乾艾燒之。以痛爲度。痛極暫止。痛止更燒。且隨時更換雞卵。日夜約燒五六度。次日更換冰麝。燒灼如前。俟愈爲止。內用蒲公英。夏枯草。金銀花。各二錢。甘草節一錢。水煎服數劑。功效極偉。

華佗治流注神方

流注者。謂先發於背。後旋流串。散走於腰臀四肢。或來或去。或痛或不痛。無一定之部位也。治法宜用去風去火之劑。兼散其毒。以升麻一錢。當歸五錢。黃芩二錢。枯蕒二錢。金銀花一兩。甘草二錢。連翹三錢。秦艽二錢。蒼耳一錢。馬蘭根一錢。牛膝一錢。牽牛一錢。水三碗煎服。數劑自愈。

華佗治痰核神方



大者謂之惡核。小者謂之痰結。毒根最深。極不易治。未潰之前。忌貼涼膏。忌服涼藥。法以天南星磨酸醋調敷。數次自消。或捉蝙蝠炙成灰。和菜子油塗之。二三次即愈。

華佗治疔顯神方

顯間突然腫起。係屬風熱之症。可用野菊花葉搗爛。四圍敷之。其腫自消。或以蝸牛同麵研敷之。亦有效。

華佗治天泡瘡神方

天泡瘡生於頭面及遍身手足之間。以夏日居外。治法宜補氣而佐之以解暑。則火毒自消。瘡亦易愈。方用香薷天花粉生黃芪炙甘草黃芩各一錢。白朮茯苓麥冬各二錢。桔梗一錢五分。人參厚朴各五分。陳皮三分。水煎服數劑自愈。外用定粉五錢輕粉五分雄黃三錢三者共研成細末。用絲瓜葉搗汁半杯。調搽瘡上。其效如神。若在小兒可用香爐蓋上烟脂三錢黃連青黛各二錢冰片二分各為細末。用雞子清或猪膽汁調敷極效。

華佗治人面瘡神方

此瘡非生於膝上。即生於肘。其形頗似人面。重者有口鼻眼目。皆能運動。狀似愁苦。口中與以肉食。則即能化盡。方用雷丸三錢輕粉一錢白茯苓一錢研極細。和勻敷上。即消。

華佗治血風瘡神方

血風瘡多生於兩腿裏外之膝上下。達於踝骨。其原起於好飲。初生時小而癢。久則大癢。治法先須戒酒。然後用內藥補其氣血。兼消風溼。外用膏藥敷之。不久即愈。方用白朮當歸柞木枝薏仁各五錢。茯苓生甘草萆薢

